



JAWATAN KOSONG!

PENYELARAS PASUKAN PERONDA HUTAN

Persatuan Pelindung Harimau Malaysia (Rimau) sedang mencari individu bermotivasi tinggi untuk mengisi jawatan Penyelaras Pasukan Peronda Hutan berpangkalan di Gerik, Perak. Calon yang terpilih perlulah berpengalaman dalam pemuliharaan hutan hujan tropika, berpengetahuan tentang situasi dan isu dihadapi harimau Malaya dan mempunyai pengalaman dalam penyeliaan di lapangan. Penyelaras akan bekerja rapat dengan Perbadanan Taman Negeri Perak, Jabatan Perhutanan, PERHILITAN dan lain-lain agensi kerajaan yang berkenaan. Penyelaras juga perlu merancang, mengatur dan mengawasi aktiviti-aktiviti pasukan peronda anti-pemburuan haram Orang Asli di Belum-Temenggor. Penyelaras akan melaporkan kepada Presiden Rimau.

BIDANG TUGAS

- Mengupah, melatih dan menyelia pasukan peronda Orang Asli yang tujuan utamanya adalah untuk melindungi hutan daripada pemburu haram harimau
- Mengambil langkah-langkah untuk memastikan keselamatan dan kesejahteraan serta keberkesanan ahli-ahli pasukan peronda
- Merancang, mengatur dan mengadakan latihan dan melatih ketua pasukan Orang Asli supaya boleh mengetuai pasukan mereka dengan cara-cara terbaik ketika meronda.
- Mengetuai rondaan untuk tempoh dua minggu.
- Melaksanakan teknologi-teknologi anti pemburuan haram (seperti perangkap kamera) dalam aktiviti rondaan
- Bekerja dengan pegawai-pegawai dari agensi-agensi kerajaan seperti Perbadanan Taman Negeri Perak, Perhutanan, PERHILITAN dan lain-lain untuk menyelaras usaha-usaha anti pemburuan haram dan pengumpulan data
- Membantu Orang Asli dalam kerja-kerja pemerkasaan komuniti sebagai sebahagian daripada inisiatif RIMAU untuk melibatkan Orang Asli dalam usaha pemuliharaan harimau dan hutan
- Melibatkan diri dalam perancangan strategik, mengetuai taklimat dan membuat pembentangan untuk kepimpinan Rimau, badan-badan kerajaan dan organisasi-organisasi lain mengikut keperluan
- Mengeluarkan laporan tentang usaha-usaha rondaan penglibatan masyarakat, kerjasama dan aktiviti-aktiviti lain
- Membantu dalam menyediakan bajet rondaan, mengurus dana dan menyediakan laporan perbelanjaan
- Menyelenggara pangkalan data yang merangkumi data-data rondaan untuk dibentangkan kepada kepimpinan RIMAU dan menyimpan laporan dengan sistematik

SYARAT DAN KELAYAKAN

- Minimum 2 tahun pengalaman dalam menyelaras dan mengatur kerja-kerja lapangan di hutan atau kerja-kerja pemuliharaan hidupan liar atau bidang-bidang yang berkaitan
- Berpengetahuan dalam kegiatan trekking di hutan, termasuk protokol keselamatan dan berkemampuan untuk trekking selama beberapa hari dengan membawa peralatan sekurang-kurangnya seberat 15kg
- Berpengalaman mengetuai dan mengurus pasukan di lapangan
- Mestilah boleh berkomunikasi secara fasih dalam Bahasa Malaysia dan Inggeris, menulis dengan baik dalam kedua-duanya, dan mampu membentangkan maklumat secara fizikal dan juga digital
- Berpengetahuan tentang organisasi dan polisi-polisi tentang pemuliharaan harimau di Malaysia
- Pemahaman tentang masyarakat Orang Asli dan cabaran yang mereka hadapi
- Tidak diwajibkan untuk mempunyai ijazah atau sijil dalam bidang pemuliharaan, biologi, perhutanan, atau bidang yang berkaitan, tetapi digalakkan
- Mempunyai kualiti peribadi yang jujur, berintegriti dan komited kepada kerja berpasukan dan misi Rimau.
- Mestilah bersedia untuk berpangkalan di Gerik, Perak dan bersedia untuk meronda di hutan sehingga dua minggu berturut-turut
- Kerakyatan Malaysia dan lesen memandu diperlukan

Jika berminat, hantarkan surat permohonan, resume dan rujukan berkaitan kepada Anis Majida di anis@rimau.ngo. Dalam permohonan anda, sila nyatakan juga anggaran gaji yang diminta, untuk dipertimbangkan. Gaji akan diberikan setimpal mengikut pengalaman. Permohonan terbuka sehingga jawatan diisi